

卷
十九

痢瘡纂要

瘟疫傳正彙編

傳症彙編卷之九

痢瘡纂要 痢治

新建邑庠熊立品聖臣前編輯

同里姻姪夏廷儀煦園較訂

孫承統紹庭校字

治

痢初發時裏急後重頻欲登圜及去而所下無多纔起則腹
急皆濕熱凝滯之故也宜藿香正氣散加木香枳殼黃連砂
仁或加檀香乳香射香永片

其或血色紫黯屢涼藥所下愈多當禁冷物宜理中湯加

木香肉蔻

其或純下血而色鮮紅者此心家伏熱也犀角屑二錢硃砂二錢牛黃三錢人參三錢九如麻子大麵糊拌每用一錢燈心龍眼湯下

仲景云小腸有寒其人下重便血以乾姜燒黑存性磁碗合放地上去火氣取為末每服一錢米飲調下

其或裏急而至圜反不能即出者氣滯也疎通為主裏急而頻見汗衣者氣脫也補瀉為主

其或後重而至圜稍減者火迫也黃連為主後重至圜而轉增者下陷也升麻為主

其或積如膠凍或如鼻涕此為冷痢先用木香沉香豆蔻砂仁厚朴次用理中湯加木香

其或因冒暑而成自汗發熱面垢嘔渴腹痛小便不通香茹飲加黃連或五苓散藿香正氣散加香茹黃連

其或老人深秋患痢呃逆者黃柏末陳米飲為丸人參白朮茯苓甘草湯送下

其或下冷痢不能食肉蔻陳米為末米飲調服

入秋而痢白豆蔻厚朴自不可缺肺經之氣鬱於大腸桔更蘓子為君以痢藥佐之

其或脹滿惡食腹痛者實也木香黃連芍藥只壳兵郎只實
厚朴

其或煩渴喜冷飲服浮大而滑數熱也芩連為君

其或新起而實丹滯澀者兵郎丸色焦黑者兵黃加香連芩
芍如漆之黑者歸尾赤芍桃仁大黃只實芒硝厚朴

其或肝氣逆上用吳萸黃連木香青皮白芍

其或食到便吐上焦火逆也黃連木香茯苓吉更只壳陳皮

半夏菖蒲生姜

其或後重得解轉甚參耆本草升柴之品以治之

其或惡寒發熱身首俱痛此為表症宜微汗和解用蒼朮川芎陳皮芍藥甘草生姜煎

其或腹痛後重小水短下積此為裏症宜和中疏氣用炒枳殼芍藥陳皮滑石甘草煎

其或下墜異常積中而又紫黑色痛甚此為死血症用搗末桃仁滑石行之口渴及肛門燥棘是為挾熱症加黃芩或口不渴身不熱喜熱于煨湯是為挾寒症加乾姜

其或下墜在血活之後此氣滯症宜於前藥加枳櫛

其或在下則纏住在上則嘔血此為毒積未化胃氣未平症當認其寒則溫之熱則清之虛則用參朮補之

其或自覺氣少惡食此為挾虛症宜加白朮當歸身尾甚者
加人參十分重者於前藥內加陳皮以疎利之

其或氣行血和積少但虛坐努責此為無血症倍當歸身尾
生芍生地生桃仁佐之陳皮和之血生自安

其或纏墜之苦十戒七八穢積雖盡而糞粕未實以炒芍炒
木炙草陳皮茯苓煎湯下固腸丸三十粒若滯氣或未盡行
則但飲此湯蓋丸性最燥未宜遂用也

固腸丸

治脾虛臟滑赤白五色痢日久不止

豆豉

赤石脂

乾姜

砂仁

厚朴

木香

各三兩

麩糊為丸

梧子大每五十丸米汁湯下

其或痢後未實而傷食方食而腹中作痛者但以陳皮白朮等分煎湯和之自安

其或久痢體虛氣滯下不止者用訶皮肉叩白礬半夏等藥澁之甚者添牡蠣均宜陳皮為佐蓋太澁亦能作痛也又甚者灸天樞氣海二穴

天樞穴在夾臍傍二寸去盲俞一寸五分此大腸募也灸五七壯

氣海穴在臍下一寸五分宛宛中盲之募也灸五七壯

附 嘉言喻氏治痢醫律三條

凡治痢不分標本先後誤用苦寒者醫之罪也

以腸胃論大腸為標胃為本以經脉論手足陽明為標少陽和太陰本故胃受濕熱水穀從少陽之火化變為惡濁而傳入於大腸不治少陽但治陽明無益也少陽生發之氣傳入土中因而下陷不先以辛涼舉之徑以苦寒奪之痢無止期矣

凡痢不審病情虛實從執常法自恃顛門者醫之罪也

實者邪氣之實也虛者正氣之虛也七實三虛攻邪為先七虛三實扶正為本十分虛邪即為淹淹一息無實可攻急去其邪以留其正十分虛邪即為淹淹一息無實可攻急補其正聽邪自去故醫而不知變通徒守家傳最為悞

事

凡痢不分所受濕熱多寡輒投合成丸藥誤人者醫之罪也
痢由濕熱內蘊不得已用苦寒蕩滌宜煎不宜丸藥不
能蕩滌且多夾帶巴豆輕粉之粉硫黃礞砂甘遂芫花大
戟牽牛烏梅栗壳之類即使病去藥存為害且大況病不
能去毒烈轉深難以復救可不慎耶

治實痢

凡治實痢有表邪者用人參敗毒散五積散或十神湯有裏
邪者用大黃丸調胃承氣等湯有感時行厲氣表邪裏邪俱
實者用桔梗湯三消飲或大柴胡湯六一順氣湯防風通聖

散之類合表裏而雙解之

實癰胎症論俱詳見卷一各門

人參敗毒散 解表

人參 茯苓 柴胡 前胡 羌活 獨活 枳殼

桔梗 甘草 川芎

姜三片為引體壯者去人參加荆芥防風名荆防敗毒散

倉廩湯 即人參敗毒散加陳米一撮治外邪發熱之痢

五積散 解表

白芷 陳皮 川朴 桔梗 枳殼 川芎 白芍

甘草 茯苓 蒼朮 當歸 半夏 桂枝 麻黃

乾姜二片為引除芷桂用慢火炒名熟料五積散合人參

收毒散名五積交加散

十神湯 治感觸一切時行異氣之痢

麻黃 乾葛 蘇葉 升麻 甘草 陳皮 赤芍

白芷 香附 川芎 生薑為引

大黃丸 攻裏

錦紋大黃酒蒸為丸赤多者溫酒下白多者淡薑湯

下七十丸

調胃承氣湯 攻裏

大黃 芒硝 甘草 姜棗引

桔梗湯 表裏兩解

黃芩 連翹 生梔子 薄荷 淡竹葉 甘草 桔梗

加大黃生薑引

三消飲 表裏兩解

檳榔 草薢 厚朴 白芍 甘草 知母 黃芩

大黃 葛根 羌活 柴胡 姜炙煎服

大柴胡湯 表裏兩解

柴胡 黃芩 半夏 枳實 芒硝 大黃 姜炙引

六一順氣湯 表裏兩解

柴胡 黃芩 芍藥 枳實 芒硝 大黃 甘草

姜炙煎服

防風通聖散

表裏兩解

防風

川芎

當歸

白芍

連翹

薄荷

麻黃

石羔

桔梗

黃芩

白朮

梔子

荊芥

滑石

大黃

芒硝

甘草

生薑葱白水煎溫服

四逆散

治痢疾腹脹身熱裏急後重

此柴胡

錢二

白芍

錢一

枳實

錢一

炙甘草

錢一

每服四五錢白湯調下

玄白散

治痢疾初起裏急後重膿血稠粘二便窘迫壯盛

人一劑可愈虛者慎用

牽牛子

赤痢用黑白痢用白赤白相雜者赤白兼用半生半炒搗碎

生地黄

赤芍

歸尾 枳榔 枳殼 莪朮 黃連各一錢 大黃二錢

暑月加炒香茹一錢水煎空心服

六神丸 治一切泄痢

黃連 木香 枳殼 茯苓 神曲 麥芽

黃連解暑熱毒清臟腑厚腸胃赤痢倍之木香溫脾胃逐邪氣止下痛白痢倍之餘俱等分為末以神曲打糊為丸
梧子大每服五十九赤痢甘草湯下白痢乾姜湯下赤白相雜者甘草乾姜湯下

諸方與熱痢參用

治熱痢

喻嘉言曰痢有緣受暑熱之毒水穀傾囊而出一晝夜七八
十行火渴飲水自救百杯不止此則腸胃為熱毒所攻傾刻
腐爛比之誤食巴豆鉛粉其烈十倍不可更用逆流挽舟之
法宜遵內經通因通用用大黃黃連甘草一晝夜連進三五
十杯俟其下利上竭之熱稍緩乃始平調於內更不必挽之
於外也

附案 曾治朱孔陽用通因通用之法因夏月構訟奔走日
中晝夜一二百次但飲水而不進食其痛甚厲肛門如火烙
燥擾無奈其脉弦緊勁急不為指撓謂曰此症一團毒火蘊
結在腸胃之內其勢如焚救焚須在頃刻若二三日後腸胃

朽腐矣。於是以大黃四兩、黃連、甘草各二兩，入大砂鍋內煮，隨液隨服，至二十餘碗。次日再診脈，勢稍柔，知病可愈。但用急法，不用急藥，遂改用生地、黃麥門冬各四兩，另研生汁，而以天花粉、牡丹皮、赤芍藥、甘草各一兩煎和成汁，大碗嚥之。以其來勢暴烈，一身津液從之奔竭，若待痢止然後生津養血，則枯槁一時難回。服此果然下痢盡止，但遺些少氣沫，第三日思食豆腐漿，并略進陳米清汁，緩調全愈。

又曰：有急開支河一法。其邪熱之在裏者，奔迫於大腸，必鬱結於膀胱。膀胱熱結，則氣不化而小便短赤，故不用逆挽而先行順導，清膀胱之熱，令氣化行而外消熱勢。

五苓散之類